

## 9-7 習慣說

建議 對應 基本 學習 內容 條	<b>字詞</b>	(工具書)	使用字辭典、成語辭典查出字辭相關辭彙意義及用法。
	<b>句子</b>	(說話)	針對討論主題表達意見，說明理由。
	<b>篇章</b>	(閱讀)	讀出篇章的重要訊息(人、事、時、地、物、原因、順序、重點、主旨、論點、舉例)。 理解篇章寓意。 辨別篇章的條理結構。
		(寫作)	寫出借事說裡的文章。

### 文本內容：

蓉少時，讀書養晦堂之西偏一室。俛而讀，仰而思：思而弗得，輒起，繞室以旋。室有窪徑尺，浸淫日廣。每履之，足苦躓焉；既久而遂安之。

一日，父來室中，顧而笑曰：「一室之不治，何以天下國家為？」命童子取土平之。後蓉履其地，蹶然以驚，如土忽隆起者；俯視地，坦然則既平矣。已而復然；又久而後安之。

噫！習之中人甚矣哉！足履平地，不與窪適也；及其久，而窪者若平。至使久而即乎其故，則反窒焉而不寧。故君子之學貴慎始。

